

## Ingokho Ni Likongolyo

Author - Winny Asara

Translation - Fabian Wakholi

Illustration - Winny Asara

Language - Lumasaaba

Level - Longer paragraphs

© African Storybook Initiative 2014

Creative Commons: Attribution 4.0

Source [www.africanstorybook.org](http://www.africanstorybook.org)

ASb  
approved



## Ingokho Ni Likongolyo


Fabian Wakholi

Winny Asara





Khukhwaamila abweene awo,  
ingokho ni likongolyo bekyela be  
buusiku.



Ingokho ni Likongolyo baaba basaale.  
Ne buli ndaalo baaba nga basindana.  
Lutweela baakhalawo khukhwiinyaha  
lifuundo, babone naanu ufuura  
uwashe.



Baatsya khu khu kyeewa baarakikha  
khukhwiinyaha lifuundo. Ingokho  
yaba yinyahaka khaangu, ne  
likongolyo lyaakifuura. Ingokho  
yakhupa lifuundo I aleeyi, ne  
likongolyo lyaakhupa alyeekho naabi.  
Ingokho yaarakikha  
khukhwikhalasaka.



Ingokho yeloosela khuukholola,  
khukhwoolesa likongolyo ni lyatuuma  
ibulafu khukhwaama muunda we  
ngokho. Maayi we likongolyo  
n'umwaana weewe baafula, baaniina  
khu kusaala bebisa.




Ingokho yaarakikha khukhaasa ni  
khukhwaasimula. Lwanyuma  
yeelakho yaamila ndi yaafuutsa.  
Yaasimula ndi yaakholola. Indi  
yaakholola. Likongolyo lyaba lisinya!




Lwanyuma baakhalawo khuukhupa  
tsipeneti. Khunyoowa Likongolyo nilyo  
lilyanyoowa khuuba koolo kipa.  
Ingokho yaanyweesa ikoolo indweela  
yonyene. Lwanyuma ingokho nayo  
yekyela koolo kipa.




Likongolyo lyaakhupa lifuundo lyaanyweesa. Luundi Likongolyo lyenyayisa lifuundo, nga lisala, lyanyweesa ikiindi. Likongolyo ndi lyaakhupila kumurwe, lyanyweesa ikiindi. Atweela likonolyo lyaanyweesa tsikoolo tsiraano.




Maayi we likongolyo waamuloma ari, "Raambisa kamaani koowo ka buraawa mwaana wase." Kamakongolyo kanyala khuuwunya buubi naluundi nga sikanyalikha ni khuulikha ta. Ingokho yaarakikha khuulwaala.



Maayi we likongolyo waawulila khakono khaafwiiti, nga khaloma khari, "Injeete maayi." Maayiwe waanyukanyuka waarekeresa buulayi bubweene. Likono lyaba lilikho lyaamila muunda mwe ngokho.



Ingokho yaakhalala naabi khuuwulibwa. Niyo yaba umwinyayi uwe lirima nga baamuwulile. Likongolyo lyaarakikha khuutsekha khuubona nga musaale weewe ali ni lirima liikali liry.



Ingokho yawaambibwa lirima liikali  
naabi kila yikula kumunwa kwayo  
yaakubalayisa luukali, yaamila  
likongolyo.



Ingokho ni yaba nga yilayo ingo,  
yaakanana maayi we likongolyo. Kila  
maayi we likongolyo oyu areeba ari,  
"Manya waamboneelekho umwaana  
wase?" Ingokho siyelamo ta. Maayi  
we likongolyo wehembelela.